



12. december 2011

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

- 1. Naalakkersuisut qanoq iliorlutik qulakkeerniarpaat, OLT-mi EU-milu 2012-mi mingunnangitsumik ineriartortitsineq, silap pissusaa avatangiisillu oqallisigineqarnerulernissaat?**
- 2. Naalakkersuisut sutigut Kalaallit Nunaata OLT-mik EU-millu suleqarteqarneq nutarterniarpaat aamma Naalakkersuisut qanoq iliorlutik tigussaasumik tamanna sulissutiginiarpaat?**
- 3. Naalakkersuisut sutigut Kalaallit Nunaata EU-mut attaveqarnera nutarterniarpaat aamma Naalakkersuisut qanoq iliorlutik tigussaasumik tamanna sulissutiginiarpaat?**
- 4. Naalakkersuisut suliniutit suut aallartinniarlugit eqqarsarpat OLT-mik EU-millu suleqateqarneq oqallisiginerutinniarlugu?**

(Inatsisartunut ilaasortaqaq Justus Hansen, Demokraatit)

Tunnngavilersuut

OLT ataatsimut taaguutaavoq imarpinni nunanut nunasiaataasimasunullu, EU-mut ilaasortaangitsunut. Nunat OLT-mi ilaasortat EU-mi naalagaaffinnut sisamanut atapput, tassaallutik Tuluit Nunaat, Frankrig, Holland aamma Danmarkki.

Kalaallit Nunaata OLT-mi siulittaasuuneq tigussavaa ulloq 1. januar 2012, Demokraatinilu isumaqarpugut, taamatut inissisimalernissarput annerpaamik iluaqutissarsivigisariaqaripput. Tamanna tunnngavigalugu isumaqarpugut, pingaaruteqartoq, Naalakkersuisut tigussaasunik angusassanik aalajangersaassasut, siulittaasuuneq iluatsittutut oqaatigineqassappat anguneqarsimasussanik.

Tamanna tunnngavigalugu Demokraatini iluarisimaarparput, Naalakkersuisut Siulittaasuat siulittaasuulernissamut maannagaaq piareersarluni aallartereeramat. Naalakkersuisut tusagassiutinut nalunaarutaanni ilisimatitsissutigineqarpoq, Naalakkersuisut Siulittaasuat Londonimi, Parisimi Bruxellesimilu ataatsimeeqateqaqattaarsimasoq 2012-mi OLT-mi EU-milu qulequttat



oqaluuserineqartussat pillugit. Naalakkersuisut ilisimatitsipput, eqqarsaatigineqartoq mingunnangitsumik ineriartortitsinissap oqallisigitinnissaa pilersaarutaavoq taamaasiornikkut OLT-mi ilaasortat nutaamik OLT-mik aaqqissuussisoqalerpat silap pissusaata avatangiisillu pingaarnerutinneqarnissaannik kissaatqarnerat malersorneqassaaq. Tamatuma saniatigut Naalakkersuisunit kissaatgineqarpoq, EU-mik suleqateqarneq oqallisigineqassasoq, OLT-mik aaqqissuussineq nutarterneqassasoq minnerunngitsumillu Kalaallit Nutaata EU-mut attaveqarnera nutarterneqassasoq.

Demokraatini isumaqarpugut, qulequttat taaneqartut pingaaruteqartut soqutiginarlutillu, aammali kissaatingaarput, tigussaanerulerumaartut, tamannalu tunngavigalugu kissaatingaarput qulaani apeqqutigineqartut akineqassasut.

Apeqqutit akeqquneqarput ullut sulliviit piffissaritaasut qulit qaangiutsinnagit.